



Samostalni sindikat zaposlenika Uprave za indirektno/neizravno oporezivanje Bosne i Hercegovine
Самостални синдикат запослених Управе за индиректно / неизравно опорезивање Босне и Херцеговине

Središnji ured - Banjaluka

Broj: 10/1 - _____ /14

Banjaluka, 06.09.2014 g.

ZAPISNIK

Sa sastanka Upravnog odbora samostalnog sindikata UIO

Dana 06.09.2014. godine, u 11.00 sati u hotelu Pahuljica na Vlašiću, održan je sastanak Upravnog odbora samostalnog sindikata Uprave za indirektno oporezivanje sa sljedećim dnevnim redom:

- Nacrt Statuta (izvijestilac Mehmedalija Osmić),
- Formiranje komisije za primopredaju dokumentacije Komisije za sindikalnu pomoć zbog odlaska u mirovinu predsjednika iste,
- Financijsko izvješće (izvijestilac Đurađ Krpić),
- Izvješće Komisije za sindikalnu pomoć o raspodjeli finansijskih sredstava (izvijestilac Jozo Kajinić)
- Tekuća pitanja – razno (uvjeti rada djelatnika UIO, rad SS)

Na sastanak su pozvani i bili prisutni sljedeći članovi sindikata:

1. Đurađ Krpić – predsjednik UO
2. Vlado Ilić – član UO
3. Jozo Kajinić – član UO
4. Muhamed Ašlama – član UO
5. Anđelko Kolobarić – član UO
6. Mehmedalija Osmić – predsjednik sindikata
7. Mario Nevjestić – predsjednik Skupštine sindikata

Sastanku su prisutni svi pozvani.

Dnevni red je jednoglasno usvojen.

Ad. 1 Nacrt Statuta (izvjestilac Mehmedalija Osmić).

Predsjednik sindikata je izvijestio UO o poduzetim aktivnostima po pitanju izmjene i dopune Statuta, kontaktima sa Ministarstvom pravde, Odjelom za registar i radu sa istim na usklađivanju Statuta sa zakonskim propisima , vodeći pri tome računa o potrebama članstva, ali i o racionalizaciji, provođenju mjera štednje i podizanju efikasnosti rada SS UIO.

Nakon diskusije vezane za izmjenu i dopunu Statuta i primjedbe da se sav taj posao oduljio, bez obzira na slanje požurnica, kao i potrebe upoznavanja članstva SS UIO o predloženim izmjenama i dopunama Statuta, prisutni članovi SS UIO jednoglasno su usvojili sljedeći

ZAKLJUČAK

1. Zadužuje se predsjednik SS UIO da provjeri u Ministarstvu pravde što je sa Statutom
2. Nacrt Statuta staviti na stranicu SS UIO kako bi bili upoznati svi članovi SS i mogli staviti eventualne primjedbe i prijedloge na izmjene i dopune Statuta
3. U što kraćem roku planirati i održati Skupštinu sindikata kako bi se mogao razmatrati Statut

Ad. 2 Formiranje komisije za primopredaju dokumentacije Komisije za sindikalnu pomoć zbog odlaska u mirovinu predsjednika iste

Pošto predsjednik Komisije za sindikalnu pomoć vrlo skoro odlazi u mirovinu iskazala se potreba imenovanja komisije o preuzimanju i primopredaji dokumentacije spomenute komisije i imenovanja nove osobe na tu dužnost. Shodno navedenom prisutni članovi SS UIO jednoglasno su usvojili sljedeći

ZAKLJUČAK

1. Zadužuje se predsjednik UO SS UIO da predloži komisiju za primopredaju dokumentacije kao i da predloži adekvatnu osobu za preuzimanje ovog zahtjevnog posla.

Ad. 3 Financijsko izvješće (izvjestilac Đurađ Krpić)

Ul. Bana Lazarevića bb, 78000 Banja Luka, tel: 051/335-100, fax: 051/335-101
Ул. Бана Лазаревића бб, 78000 Бања Лука, тел: 051/335-100, фак: 051/335-101

Predsjednik UO izvjestio je prisutne članove SS UIO da je finansijsko izvješće pripremljeno i spremno da se predoči Skupštini na razmatranje i usvajanje, za period dogovoren na prošlom sastanku UO. U kraćem razgovoru o ovoj temi predočene su informacije u što, najviše, ide utrošak sredstava, podaci o trenutnom stanju računa itd. Obzirom da je finansijsko izvješće spremno, prisutni članovi SS UIO jednoglasno su usvojili slijedeći zaključak

ZAKLJUČAK

1. U što kraćem roku planirati i održati Skupštinu sindikata kako bi se raspravljalo i usvojilo finansijsko izvješće.

Ad. 4 Izvješće Komisije za sindikalnu pomoć o raspodjeli finansijskih sredstava (izvjestilac Jozo Kajinić)

Predsjednik komisije za dodjelu finansijske pomoći – Jozo Kajinić, izvjestio je prisutne i predočio tabelarni prikaz zahtjeva koji nisu riješeni (smrtni slučaj – 19 zahtjeva, bolest – 16 zahtjeva, odlazak u mirovinu – 4 zahtjeva i ostalo – 3 zahtjeva). Također je izvjestio prisutne da se ugovori o osiguranju u potpunosti poštuju i u slučajevima gdje su se desile povrede, osiguranje je normalno izvršilo isplatu štete oštećenim.

U razgovoru i diskusiji koji je uslijedio u potpunosti se ostalo na stajalištu i odluci usvojenom na prošlom sastanku UO, da treba pojačati kriterije za dodjelu finansijske pomoći, odnosno da nema isplata po dva ili više puta za isti slučaj, a sve u cilju racionalizacije i smanjenja troškova. Isto tako razgovaralo se i o načinu isplate finansijske pomoći. Nakon diskusije o navedenoj točki dnevnog reda, prisutni članovi SS UIO jednoglasno su usvojili sljedeće zaključke:

ZAKLJUČAK

1. Držati se zaključaka donesenih na zadnjem sastanku UO, a vezanih za iznose isplata i osoba koji imaju pravo na isto,
2. Isplate vršiti po prioritetima, odnosno težini slučaja,
3. Isplate vršiti na račun

Ad. 5 Tekuća pitanja – razno (uvjeti rada djelatnika UIO, rad sindikata)

Vezano za ovu točku dnevnog reda ponovno se najviše razgovaralo o uvjetima rada djelatnika UIO i pokušaju poboljšanja istih. Podaci i informacije sa terena ukazuju da je stanje, u najmanju ruku zabrinjavajuće. Ponovno je ukazano da djelatnici nemaju osnovne uvjete za rad, da nemaju uniforme ili su nekompletne, a posebno je naglašeno da su nekvalitetne. Isto tako ukazano je da pojedini djelatnici koji ne bi smjeli imati uniformu, ni nositi ju, imaju ih, a djelatnici koji bi trebali nositi uniformu nemaju istu ili je nekompletirana (posebno treba voditi računa o ljudima na prijelazima).

Također je ukazano na nedostatak materijalno tehničkih sredstava za rad. Predsjednik SS UIO izvijestio je prisutne da nije u potpunost odrađen posao vezan za zaključak sa prošle sjednice UO, a vezano za spomenutu problematiku, ali iz objektivnih razloga (na svim koracima se štedi i smanjuju izdavanja), ali je dogovoreno da se pojačaju aktivnosti kako bi djelatnici bili adekvatno opremljeni.

Također se razgovaralo o radu UO i samog SS UIO s ciljem što bolje informiranost članstva o radu istih.


Nakon diskusije o navedenoj točki dnevnog reda, prisutni članovi SS UIO jednoglasno su usvojili sljedeće zaključke:

ZAKLJUČAK

1. Zadužuje se predsjednik SS UIO da ponovno pokrene inicijativu prema direktoru UIO s ciljem pokretanja aktivnosti vezanih za nabavku uniformi, a pri tome vodeći računa o kvaliteti istih, ukazati na probleme sa kojima se susreću djelatnici na terenu, ukazati na nedostatak materijalno tehničkih sredstava itd.
2. Na stranice SS UIO, po mogućnosti, staviti sve pokrenute inicijative, zahtjeve, zaključke kako bi članstvo bilo što informiranije o radu SS UIO i poduzetim aktivnostima od istih.

Sastanak Upravnog odbora SS UIO završen je u 13 i 30 sati.

Predsjednik UO



Đurađ Krpić